

四庫全書

集部

欽定四庫全書

御製詩二集卷五十

古今體六十六首

甲戌六

擬古詩三十首

有序

擬古之作蓋於選辭命意之中寓論世知人之旨  
曩於幾暇擬古詩十九首復倣江文通雜擬每一  
染翰如見古人於毫楮間今年夏山莊永晝瀏覽  
篇籍念自西京迄於六代才人林立緣情之什各

具性靈文選所甄菁英斯備諷詠之次輒思摹倣而衆體殊塗興懷異趣名家麗製美不勝掇因仿文通例各取其一聊見舉隅至四言則漢魏僅涉餘波自必溯源風雅七言數章推輪太質欲暢斯旨又當馳騁三唐其他單章偶見如紹統秦機輩本未成家概從刪汰別體若束皙補亡應璩百一鮑照數詩往歲均有專製無取複出又文通雜擬中疑好紈扇而外別鮮流傳孫許元虛選臺未錄

故亦畧諸且河梁贈荅為五言權輿醴泉祇存都尉茲乃首列子卿以補其闕綜而計之得三十篇亦如文通之數叙其梗槩用示別裁以次綴篇自娛清晏云爾

蘇子卿

贈別

武

日日金馬門相對或無語聞君當遠行語不盡愁緒乃識非傷睽何當惜歡聚願為並翼飛而乏凌雲羽之子身歷地伊我心馳所況子非常人武勇紹乃祖努力酬

主知莫繫交情苦仰瞻日與月東西相背處其心苟不  
隔合朔從堪覩

魏文帝

芙蓉池作

丕

琳池植水華因名芙蓉池芙蓉照水鮮其芳清襲余  
攜我翰墨侶言燕淡蕩時遵陸瑀輦陳涉川華舟隨憑  
軾覽嘉禾建旄摩喬枝畢景出皓星拂暑吹涼颼戰勝  
倘未能佺喬安可期不如愛景光及此青年姿

曹子建

白馬篇

植

白馬錦連錢，遙從大宛來。大宛有龍種，其始出天池。梳蹄善汗血，珍重藏貳師。漢使持金求，遮攻反居奇。以此命廣利，期至堅城陲。郡國惡少年，數萬人以西子辭。白首父夫別，紅顏妻哀鳴。忘鴻雁壯志，勵熊羆凋戈耀。日明羽檄臨風馳，左摧陷，鮮卑右突陵。月氏青年近億往，黃髮盈千歸。請聽天馬歌，蒲梢西極徠，儻遊閭闔權奇觀。玉臺何如獲白狼犬戎，終不隨。

王仲宣

從軍

祭

不能安蓬華乃復求簪纓食祿盡臣節此理亦易明朝  
聞刁斗嚴明公當西征秉羽笑懦夫割鉛本儒生既愧  
主吏蕭發蹤功已成魚慙留侯張坐謀帷幄稱我公智  
勇恢安藉贊襄仍伐檀恥素餐橐筆猶堪行閭閻戒繹  
騷儲胥夙充盈津前方桂舟河上營蘭坳親友遠來餞  
揮去無戀情雖云一旅勞所務萬方寧行看大勲就凱  
歌入鄴城莊槁花似烟平樂酒如澠何必繫吾土永言  
希令名

劉公榘

贈徐幹

楨

任已無不可事君良獨難  
管蒯攻佔畢致身希朝端  
誰知動拘束禮法不為寬  
譬彼鳥攫羅豈能刷羽翰  
與君隔豈遥數仞之掖垣  
犁然限東西有情不能宣  
鄙人對終日可以無一言  
同心而睽乖一日如三年  
鳥亦有翼並樹亦有枝  
連吁嗟我不如沉思發浩歎  
繼辭冀紓憂憂乃益甚焉

阮嗣宗

咏懷

籍



歡聚離別端繁華憔悴根富貴豈不重更有重者存苟  
非喬羨質失路徒悲辛高奔遠人老憂懷託藻言

張茂先

情詩

華

飽不知饑餒聚不知別苦胡然琴瑟和而各秦越處月  
亦照我帷風亦拂我戶怱怱撫空牀脉脉與誰語展策  
誦關雎爰獲我心所

陸士衡

贈弟士龍

機

友生有離聚兄弟無西東卒然當遠別懶馬傷我衷居

者勸加餐行人囑保躬臨歧逝將分悲意填秋空胡為  
鵲鵲原竟覲牛馬風

陸士龍 答張士然

雲

士固信知己微君孰與言遙遙動參商有言曷能宣於  
時況行邁悠悠山復川井邑豈宿識風俗非所便故鄉  
真可懷遊子吁可憐夢寐或見君宛是樂羣年驚覺嗟  
索居寫恨酬斯篇

潘安仁 河陽縣作

岳

我本志烟霞拔茅非所希一朝荷明揚儼與諸公陪  
混玉既心慙妨賢亦面恠無裨人或容豈不畏虛縻  
以此解組黻天陵駕言歸東山有美林秀蔭發華  
滋登臯偶舒嘯臨流或賦詩弱不勝耒耜課耕常  
及時自謂可終年越畔無外思孰謂十行降復俾  
百里司既已承明命寧令為繭絲此邦頗知禮  
朱博治異齊臨水每有悟清之濁匪宜釣距我  
不能所能尚無為登城眄廣原阡陌綠依依巾  
車循鄙鄉薑芋分町畦男耕而婦織民和訟

亦稀弦歌或可聽  
卓魯安足期夫子  
儻相過能無笑割雞

潘正叔

贈河陽

尼

事君貴行道內外詎殊途  
召父及杜母至今垂令譽  
廊廟豈不佳衮職慙補苴  
聞君一縣花與民共歡娛  
戶不閉深夜遺不拾通衢  
東山林谷幽寧復懷歸無

張景陽

詠史

協

易稱見幾行寧以終日需  
醴忘穉生去申公徒嗟吁  
遙

遙千載下此風一何孤惟有二疏傳高尚能繼諸十二  
道論語吾職不為辜宦成而不去後悔將何如公卿餞  
之行祖帳臨東都高詠蟋蟀篇揮霍尋歡娛多財志損  
賢多財過益愚不獨肥遯嘉卓識堪為模

左太冲 招隱

思

青雲蓋危地窮林足安身山水不論價烟霞可養神巖  
阿太古室鹿豕忘憂賓松篁奏仙籟薜蘿掃俗塵天池  
沆瀣涵其中有錦鱗惟其不貪餌是以鮮挂繯策許是

我師涓務是我隣衡門有芳謠可以書諸紳

劉越石扶風歌

琨

西京舊帝都扶風拱黃圖昔為繁華里今為禾黍墟金  
張貴既歇鄒枚文亦忽惟有金銅仙流淚辭漢月僕夫  
秣我馬家人送我行客途始於此據鞍且復停四顧何  
所往吾意方茫茫涼秋多悲風偏拂征人裳放馬靡蕪  
坡散步松楸下拾得鄼侯名未央前殿瓦帝業尚如此  
何況蓬蒿間憤緒填胸臆欲語哽不言悲傷令人老棄

置勿復道賢電能幾時成名苦不早蠅屈以求信龍蟄  
以存身至今西山下幾見餓死人利獲害每随失暫得  
亦恒請聽扶風歌勸君權重輕

盧子諒

時興

誌

璿璣無停運四序調歲籥但見春復秋豈悟今非昨百  
年等瞬息石火槁頽若北邙有鬱柏東海無大藥不如  
愛景光隨時自為樂清風動帷幌華月蕩林薄洗心鏡  
至清振衣踞崇嶠天機存其真詎因物止作可道非常

道希夷契冲漠

郭景純

遊仙

璞

仙人世常有所貴凌世出燕昭及漢武安得有仙日東  
海水湯湯蓬萊山萃萃元圃種琪花神皋聳玉室是中  
煉水碧羽化定可必子登授我簡云是瑤臺律大隱亦  
甚難只有園稱漆

何敬祖

雜詩

劭

有風西南來知是行金商四序本遞嬗何獨於秋傷草



芳日以歇樹綠日以黃砧聲發遠村月色延虛堂虛堂  
獨不見迢迢憶遠行篋我齊紈扇施我越羅裳仰瞻河  
鼓星相會宛成雙會則其歡短別則其愁長

陶淵明

咏貧士

潛

亨屯信有命達人安所丁己或不介意旁觀為惻生傷  
我彼貧士蹢蹢林中行未火出華門見肘歸柴楹豈不  
苦饑寒嗟來羞見稱愧我誠何謂五斗猶繫情

謝康樂

遊赤石進帆海

靈運

撰辰尋勝遊際斯節清和擷芳佩蘭茝窮變餐烟霞赤  
石近枕海進帆凌滄波乘桴我素志況可拾影娥朝陽  
神來賓元螭以馭車恬瀾導我遊此樂信如何疑見三  
壺山縹緲復嵯峨溟解雖萬變不離一勺多終焉任虛  
舟泛覽窮天河

謝宣遠

張子房詩

瞻

紫色及蛙聲聖王之驅除三秦屬弗靖有征發車徒方  
舟蓋長川組練明廣衢頓此項城陰息衆且斯須葆祠

四百年鬱鬱松柏扶借問祀何人留侯神清臞和鈴爰  
至止掛桂陳樽壺甄揚乃在德聖心夫豈徒歌詩命從  
官表宅之意乎緬想羸政虐斯民離炭塗公子報韓仇  
博浪中屬車下邳契幽叟深折乃授書卒為王者師能  
忍蘊廟謨蒼旻佑赤靈龍準德克符伊人實贊襄婉婉  
多奇謀運籌帷幄中決勝千里餘功成求赤松翩飛向  
仙都我后方沛公良其人則無奮藻揚休風旋顧慙嗟  
吁

謝法曹

秋懷

惠連

能令人傷者夫惟值金秋有月皆慘淡無風不颼颼載  
觀古之人宋玉亦我儔當其悲來時偏塞填九州是時  
天宇晶絳河見舉頭一歲纔一會感彼女與牛露立濕  
衣裳幽薄螢火流竹響何颯沓蛩吟復唧唧人生百歲  
間駒隙難喻適一往不復還自審安為謀英雄誇兄嫂  
蘇子志已酬買臣訶其妻覆水難再收不殊鄙丈夫焉  
及東陵侯曠觀無可依不如事豪遊太華停我車少海

維我舟却笑求仙人勞生終何投

顏延之始安郡懷都

延年

星斗既上懸山河亦下列大禹錫元圭至今九州別江  
漢海朝宗參衡地真臬譴憶子期諫誕鄙高唐說我來  
守此邦撫字慙心拙去去奉明詔省闕班聯綴內外亦  
何殊行道宜及節進退兩無就俯仰一何劣於古有明  
訓尸祿戒位竊行將謝華簪躬耕敦素悅

鮑明遠

詠月城西門廨中

照

高堂漫張燈九華非夜明空庭度螢火其光何猥瑣微  
蟲彼何為蘭膏有盡時何如天上月萬古騰清輝徘徊  
銀漢表淡蕩玉閨時浮雲無纖痕千里同一思宦遊多  
拘束乘閒偶遊目隔牕散塵襟蔽櫳延清矚始聞曲發  
郢既命琴抽蜀親串及友朋共此叙情睦芳夕隨地佳  
何必深山曲

王琅邪

荅顏延年

僧達

竊聞君子交久敬淡如水琴音失鍾期伯牙不復理余

於五倫中忘年遇吾子崇情實師範清氣消吝鄙惟蘭  
芝並馨惟鼓聲相倚敬業竹素園奧研翰墨理時當節  
序佳百昌向華羨春山翠可望新波綠瀾瀾載泛李杜  
舟言溯顏曾旨此樂何倏忽一日三秋矣瑤篇寄遠音  
深誼託精擬佩以矢弗諼答以云如是

謝元暉

直中書省

眺

委佩近彤庭書紳依紫殿瓦鴛散日輝渴烏傳漏箭綠  
陰藹禁林已有新鶯囀當階紅藥芳影翻視草案鳳池

盡仙朋豈以樗材贊承明有直宿寢門違視膳慚焉驚  
吾衷賢勞何獨見縲組非夙志願託凌風翰

沈休文

咏湖中雁

約

春來水滿塘迴雁報年光  
唼錦新花暖梯縠碧浪涼  
往羽帶南雲歸背點北霜  
飛空或成羣宿浦必以雙  
兩翅依春秋一心惟瀟湘

范彥龍

古意贈王中書

雲

昔者尹與邢磬折眼中心何必定  
相妬等是侍綢衾北



海蒙知初南皮被恩深遭逢都大同光儀獨可欽梧桐  
豈散木鳳皇非凡禽將託萋萋枝必有雞喙音余獨何  
為者濫竽集泮林願言企良覲省閨隔沉沉

任彥升

贈郭桐廬

昉

維舟富陽江遲我心儀者云是早見候失期乃吾也有  
心悲共傾有手歡同把竹柏懷三冬冠蓋輝五馬聚艱  
離每易音衆知則寡後會杳茫茫欲別還難捨從此天  
一涯有衷向誰寫

江文通

望荆山

淹

桐柏襟淮源江漢帶荆甸湘沅既已疏衡巫於是奠楚  
望快平生蠡測愧踈賤俯仰翰墨林唱酬風月宴金樽  
亦有醇玉兒寧無薦中心別感傷游賞非所戀汨羅淪  
靈均永懷淚如霰

邱希範

早發漁浦潭

遲

春水漲漁潭朝霞起赤亭富春深秀區峭蒨含餘清置  
浦何淡淡標峰盡亭亭行春爰及時攬俗兼課耕俾彼

錦埭車發此鏡川舫烟景幻迷離水物呈芳馨愧無能  
卜居合暫託幽情糾慢諒未能卧治庶可稱

再題避暑山莊三十六景詩

有序

避暑山莊者玉塞之神皋金庭之奧域也我

皇祖聖祖仁皇帝肇斯靈囿標三十六景題句繪圖垂  
示冊府朕既恭次

元韻附刻篇末前秋周覽勝槩復各賦五律一章仍就  
舊題成咏今年敬奉

安輿東駐於此自夏至初過訖於處暑招涼延爽弦望  
再更幾政之餘登臨攬結乃知三十六景之外佳  
勝尚多萃而錄之復得三十六景各題二十八字  
其中有

皇祖當年題額者亦有邇年新署名者統前後計之得  
列仙福地之數匪謂淺造物無盡之藏蓋即由舊  
之中寓知新之旨云爾

麗正門

行宮因山高下繚以石城正南一門曰麗正朝臣  
啟事外藩入覲皆由於此

巖城埤堦固金湯誅蕩門開向午陽

避暑山莊門舊稍偏東因闢此門應

當陽之義

兩字新題標麗正車書恒此會遐方

### 勤政殿

離宮視事之所顏以勤政

### 皇祖

皇考舊章也山莊前殿亦以是名之

漫施藻梲長階莎具足雲山四面羅不息自強勵勤政  
永欽

家法詠卷阿

松鶴齋

皇太后所御內殿齋名松鶴祝頤壽也茲奉  
慈聖於山莊之東亦以名齋隨時隨地長樂

春暉用以志慶

常見青松蟠戶外更欣白鶴舞庭前西池自在山莊內

慈豫長承億萬年

如意湖

山莊勝處政在一湖隄  
偃橋橫洲平嶼矗隱暎亭  
榭境別景新此則曲岸若芝英  
故以如意目之

塞水恒流此處潄柳湖蓮島偶  
摹形烟容波態皆如畫  
屬意悠然在杳冥

青雀舫

澄湖放艇溯光搖碧載月為宜  
衝雨亦有奇致黃

龍綵鷁無取過華

溶溶塞水浩無涯  
桂楫蘭橈向晚移  
月朗寥天駕青雀  
空明宛是泛瑤池

綺望樓

樓在城西南隅下視緣隄廬舍闐闐歷歷可數山  
環水抱儼在畫圖中

埤坵岑樓聳翠林  
每因眺遠一登臨  
萬家烟火隨民便

此語乃皇祖御  
書聯句今懸樓上



聖度原如天地心

馴鹿坡

靜宜園有馴鹿坡乃黑龍江將軍所進其地以使  
鹿為俗山莊則濯濯麋麋惟性所適無異家畜故  
亦以名坡

馴鹿親人似海鷗丰茸豐草恣呦呦靈臺曾被

文王顧例視寧同塞上塵

水心榭

界水為隄跨隄為榭彌望空碧彷彿笠澤垂虹景  
色明湖蘇白未得專美

一縷隄分內外湖上頭軒榭水中園因心秋意蕭而淡  
入目煙光有若無

頤志堂

河亭迤北疏軒面爽

皇祖題曰頤志堂陸士衡有言頤情志於典墳豈徒繕  
性葆真之為適

窈窕山深水復清  
虛堂夏五足怡情  
欲因致遠惟寧靜  
匪慕嵇康自養生

暢遠堂

清舒山館之東臨  
鏡湖為崇臺綠柳  
逕隄紅荷近渚牆  
外羣山羅列奔湊  
矯首遐觀斯為最暢

崇臺湖上俯澄清  
暢遠新標即景名

淵鑑當年超物表  
靜觀萬類入空明

靜好堂

山莊幽邃靜如太古蓋無地不然此間竹淨苔清  
覺鳥語泉聲都增靜賞

翠屏遮戶靜無塵  
觶觶階前長綠筠  
琴薦筆床都恰當  
想因翰墨緬風人

冷香亭

方亭東向俯臨碧沼荷淨蘋香露白風清時冰心  
玉壺殆不是過

四柱池亭繞綠荷  
冷香雨後襲人多  
七襄可識天孫錦

彌望盈盈接絳河

採菱渡

湖波澄碧水面多菱葉浮貼水背日花開佳寶脆

香與蓮房水芝並薦故取摩詰詩中語名其處

菱花菱實滿池塘谷口風來拂棹香何必江南羅綺月  
請看塞北水雲鄉

觀蓮所

平湖曲渚在在荷香景中以之標名者不一此間

雲廊竚窳方亭虛敞

聖祖題額在焉洵為甲觀

寶題恒煥

聖人字冰牖仍憑君子花助感每教驚逝水追歡曾未  
泛流霞

清暉亭

虛亭臨水清曠絕塵宵月晨曦春林秋蓼揚輝絢  
目所謂清暉娛人恍然可遇

水複山重靜且便奇葩異草四時鮮始知謝客饒佳句  
擬學唐家度小年

般若相

山莊清淨地有水皆阿耨無峯非靈鷲別初蘭若  
奉妙莊嚴相當是踞獅子座說大般若經時

雁堂小葉竺招提獅子林如畫出倪無相相中真實相  
梵稱般若豈無稽

滄浪嶼

山泉匯為湖，迢迢見底孤。嶼臨流悠然得，滄浪趣。

綠洲朗潤蕙蘭榮，日對滄浪之水清。俯潔寥芳無限趣，那更分別足和纓。

一片雲

山中雲氣朝暮晴，雨變滅無端或起樹中。或浮水面，或來樓牕，几榻間以片目之所謂一滴水知大海味也。



白雲一片纔生岫，瞥眼岫雲一片成。  
變幻千般歸靜寄，無心妙致想泉明。

蘋香汎

度橋而北，迴望烟水淼彌，碧藻青蘋，落漾可數。  
涼風微度，袖拂餘馨，何必芳洲杜若。

香風搖蕩，綠波涵花正芳時，伏數三詞客。  
關山月休怨，來看塞北有江南。

萬樹園

北枕雙峯之南平原徑數千餘畝灌樹成帷幄綠  
草鋪茵毯雖以園名不施土木今年都爾伯特部  
長入覲即園中張穹幕集名藩錫燕燒燈陳馬伎  
火戲燕樂之為時盛事

原田每每曾聞傳麀鹿麀麀載詠詩秀木佳陰塵不到  
乘涼點筆合於斯

試馬埭

我朝馬政超越往代每當秋獮出塞考牧別羣相

其駕駿而調試之故知金埴編錢直是兒戲

試馬榆陰錦埭平流珠斂玉祇虛名驪黃牝牡皆形相  
九方臯相馬在牝牡之外然馬必馴而後  
得良牝牡皆不適用此蓋列子假藉之詞  
騏驥惟當識  
性情

嘉樹軒

萬樹園之東檜栝蔚蔥老幹蟠枝童童垂蔭構軒  
其下取無忘封殖之義

就樹構軒陰易得軒前種樹待陰遲因知事半功惟倍

契理皆然詎止斯

樂成閣

塞田晚播早收屈白露即已鉦艾登場正秋巡行  
彌期也閣踞城牆墦畝參差黃雲彌望三時憂憫  
於斯稍慰

近遠山田一望彌秋巡恒值樂成時旋題寶篆垂  
明訓稼穡艱難尚可知

宿雲簷

平臺因迥為高遠峙雲表涵淳朝飛奇峰四起  
暝歸擁樹縈繚簷端即景命名正山中所有也

出楹寫霧還歸宿蒼蔚常看顥氣通却訝稚圭非至此  
如何先獲我心同

澄觀齋

山莊林巒水石在在仙都嵐翠波光遠近交暎炎  
歊為之盡滌足令胸次灑然豈惟騁懷遊目

背山臨水構清齋翠蔭簷端綠繞階別裁

去聲

不期句成

迴閉居每致意為佳

翠雲巖

山莊東北多重巒  
複嶺遊雲往來嵐  
翠欲滴虛簷  
四眺正在千巖萬壑中

截薛橫拖一縷斜  
濃青細白蔚槎枒  
有形變態無形韻  
粉本真堪示畫家

晷畫牕

橫嶺如曲屏霞標一室據其勝  
前為平臺牕列遠

岫題曰晷畫董巨荆關誰能辦此

霞標雲閣小延停異草仙葩撲鼻馨涼峭塞天初過雨  
近峯遠嶺總束青

凌太虛

亭居北嶺之複孤峯拔地羣山環拱登斯亭者如  
陟閬風俯懸圃禦冠冷然未足為喻

冠峯亭子倚峻嶒與顥氣俱六位乘設使步兵曾到此  
應聞長嘯發孫登

千尺雪

吳中寒山千尺雪明處士趙宦光所標目也南巡  
過之愛其清絕因於近地有泉有石若西苑盤山  
及此並仿其意而命以斯名且為四圖合貯其地  
詳具圖卷中

為愛寒山瀑布泉引流壘石儼神傳楞嚴薦地臨溪寫  
離即憑參屬偶然

寧靜齋



諸葛孔明澹泊寧靜二語千古名言

皇祖所至若御園之澹寧居山莊之澹泊敬誠皆取其義茲以名齋匪惟慕賢實以述

祖

既深始靜心堪會致遠而寧道亦該妙契神詮叅不盡武侯豈獨幹時材

玉琴軒

千尺雪之南曲澗湍流潺湲衆玉中韻合宮徵正

不必撫絃動操已令子期神往

玉自無言比桃李水因不競中宮商五絃正是薰風節  
治慕虞廷化日長

臨芳墅

曲阜平岡緣蹊被隰無葩不秀有卉皆芳別墅數  
椽自足幽趣

奇葩異草四時芬八百功常鼻觀聞是藥是花俱採取  
文殊於此亦疑贗

知魚磯

湖水清甘魚樂國也石磯臨流無心垂餌相忘之  
適當非濠上所知

出水輕條樂意洋臨磯欣覺會心長由來萬物天機適  
安用勞勞辯惠莊

湧翠巖

石罅泉源出山莊西北淙淙潺潺下為瀑布依巖  
為佛廬隔林明殿三楹東向晨曦朝爽空翠四合

拔地青蓮聳德水天人來往作音娛  
舊逢杖錫權教佳  
試問眉毛拖地無

素尚齋

梨峪清軒不施雕績丹牕

皇祖常所御處崇朴素明雅尚備見於

天筆標題兩字中矣

棄日無過靜讀書讀書靜合是山居披翻却又難耽靜  
無逸明明啟迪予

永恬居

山中境爽氣和致足怡神悅性既佳風景且樂阜

安引養引恬慎修思永

皇祖御題齋額意在斯乎

壺中瓊島鬱懸居景物惟恬氣象舒已是洞天傳

王簡得教福地續琅書

御製詩二集卷五十

欽定四庫全書

集部

御製詩二集卷五十二

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣蔣雲師

欽定四庫全書

御製詩二集卷五十一

古今體九十三首

甲戌七

七月五日東巡自避暑山莊啟蹕之作

避暑居停逮曉秋朝來清蹕啟龍旂  
遠人宴賚鴻儀備炎月棲遲馬足  
休怡悟茲來即向往因思欲進每資  
留山田是處蕊華黍未敢先期道有  
收

上

陵誠蘊十年餘皞日金風行色舒山館南看嶂猶近吉  
林東指路還紆每懷侯度咨休助常喜

慈寧奉起居七萃率能知大義寧因跋涉怨咨予

熱

谷風爽彌月午炎劇今日明當祝融歸後勁亦理必山  
田况賴暄恒涼奚秀實此熱不可無黃雲奄觀銍山榛  
蕩輕籟行宮清且謐對時思化機即境契爨秩地限誠  
有權天行終不失



農稼資蒸溽行旅畏炎歊兩全誠甚難思艱寸心勞炎  
官信其令胡不於昨朝吾寧乏清涼車馬多囂囂音南  
瞻避暑莊無暑恒逍遙

新月

碧漢秋眉露一痕晚涼行館靜塵喧掃愁亦是添愁者  
冷露無聲桂影騫

鹽隴峰有序

過中關行宮迤東十餘里有峰拔地嵒嵒音嶺翠嶺望

若翠屏嵌空虛洞似仙人之所棲止名之曰瓊瓏  
而係以詩

朝催行騎緣谷東  
新程逐處咨民風  
沿岡度澗凡幾重  
路右遙見凌霄峰  
巍乎氣象迥不同  
羣山拱伏孰與京

叶倚天拔地超哉雄  
嵌空洞穴宛轉通  
摧萎截薛森龍

蕊竒葩真樹那可名  
叶幻以雲氣鬱豐隆  
石戶儼開守

玉童丹竈碧火其燄紅  
垂垂鐵鎖懸長空  
凡骨悵望難  
尋蹤在昔下風訪崆峒  
塞垣荒略傳何從  
欣茲始遇名

璽龍飛來奚事艷吳中至今吟咏紛莫窮

處暑

究是行秋地那更處暑時葉從人面落爽自馬頭披烟  
驛長和短雲山幻復奇田疇看漸熟惟有祝霜遲

御行營六韻

崔巍帳殿鬱蘭坡星拱周遭萬幕羅豈限幅員分內外  
亦陳斥堠不譙呵繹思厥度期無數到處其居慶有那  
視膳

寢門欣一例勅幾午夜協中和掃除扎薩咸惟謹

蒙古四十

九旗各有扎薩克領其衆

警蹕金吾底用多長白吉林佳氣繞敢忘

天作烈文歌

雜言

戶樞不蠹簷溜乃穿齒剛易壞舌柔常存謀國則否謀  
野則臧兩爭曰弱三和曰強負郭二頃相印無期雖有  
鎡鉞不如待時

七夕

萬古淒涼夕雙星聚會辰塞高疑漢近鵲翥儼橋陳何  
必層樓結依然檐鼓新不知月露下秋思動何人

曉行

一夜西風谷變涼行人迫曉換征裳山田亦自知時候  
頽粟垂垂漸染黃

鳴鞭速亦停鞭速晏起遲還歇頓遲因識習勞常得逸  
誰能修業不趨時

經喀爾沁部落

列帳沿岡道左迎羊羣馬酪各將誠親藩衆建堪同例  
外域羈縻豈近情漫擬星辰環北極也知稼穡望西成  
百年化育皆

先德繼緒心殷惕捧盈

大寧城覽古

斷成頽垣蔓草春秋風立馬一延停侍臣不識憑臨意  
只道初番過大寧

金元遺跡感荆凡祇有羣山繞碧巉慨古心還惕殷鑒

遐荒貼服在和誠

明祖當年亦甚英遠臨絕域建三城豈知土木百年未  
介弟居然攝北京

躡後燕師慮患深魏邛會飲早成擒南中燕雀真堪笑  
方建皋門及正心

題大寧塔

魯恭宮殿頽無存惟餘宰堵巍平原寂寥此日真淨業  
莊嚴異代徒祇園傑構歲久具靈異不雲常窳氣氤氳

自遠早見鬱宮宮逼近欲瞻翻不易此中妙諦吾已知  
恰似法華開塔時因緣時節苟未至當面錯過空齋咨  
須臾朗徹陰翳消珠幢湧地影蕩搖八方薄伽梵齊現  
一路涅槃門豈遙瓊甍枝撐邈難陟摩空鶴鶴搏其翼  
當時挈眷盡歸南萬古標宗恒鎮北六和浮玉向曾登  
仰矚空懷寂上層觸緒題詞詎可置遇境忘言實未能  
大千乾闥何春秋碧眼僧過有偈留牛羊下麋鹿遊那  
似慈恩杜甫愁金風策馬遵前郵



雨

午熱剛虞駝馬疲雲峯遠宇吐來奇須臾止頓輕涼送  
武帳秋風度萬絲

長途豈乏後行人漸石應教受苦辛暑雨怨咨今不啻  
每因即景慎臨民

山田日日看雲黃都喜惟時若雨暘可識先憂饒後樂  
塞中還為祝豐穰

輕雷斷雨一川晴西塞槍竿夕照明還見遙天飛電影

紗衣不勝谷寒生

山田

山田不愁旱恒有陣雨過山田不愁澇就下流溪河蒙  
古佃貧民種田得租多即漸罷遊牧相將藝黍禾黍禾  
日以好牛馬日以少是云務近利而或失本道本道云  
何如毳帳羊裘居射生善馳馬乳酒相歡娛試問百年  
前流民到此無流民今到此或亦資生理凡茲率土濱  
孰非我赤子養恬在隨宜不督翻為喜

板升 有序

蒙古語音以羶廬為格爾以土瓦屋為拜牲板升者蓋拜牲之訛也羶廬其舊俗而土瓦屋則近代始有之內地流民至此率仍屋處明季因以是為苦蓋視板升儼如畏甌脫矣

韋韞毳幕禦風雨那識上棟及下宇天津啼鳥風自南荒略漸開知室處遠漠仍少近塞多居然村落連岡阿肉食酪漿易舊俗刀耕火種期嘉禾貧民無業利遷徙

山田易藝資生理苟勤畊鑿戒潢池到處孰非吾赤子  
遐想明季非承平畏胡不已畏板升帑餉未逮持戟士  
邊將邀功猶請兵邱富趙全資敵用烽火連營蹙提封  
惟因日引以月長安在馭輕而居重板升今日猶昔年  
阡陌滋闢皆良田諸部左右屬橐鞬黎民瞻就蹕路邊  
詰戎咨穉愷澤宣慎茲大寶萬葉傳

入教漢境

據嶺分疆異清塵灑道同後先咸奉職誠敬自由衷漸

見牛羊牧仍欣禾黍豐時巡慎侯度繼序念

戎功

西北風

七月十四日

噫氣涼盈谷  
毆雲天淡空  
非關少女候  
真是大王雄  
翼退橫霄  
鷗蹄輕散玉  
驄停鞭西北望  
萬里此來同

寄題教漢瀑布水

我愛教漢瀑布水  
今來路隔三百里  
題詩睜眼十一年

乾隆八年東巡途經其下題長句大書磨崖今年取飛  
道迤東相距三百餘里故賦此寄題其後以紀歲月

注東流殊未已

教漢台吉彭蘇克拉錫能詩書以賜之

出守黃沙塞入趨白玉墀

命在乾清門侍直

幾曾金翕叔入侍

解吟詩

蒙古諸王公進宴即席賦句

隆崇圓幕據蘭垆將悃聯情自可聽遊牧爾安職斯述  
懷柔我厘化惟寧技呈詐馬鋪雲錦樽酌南山映座青  
文織精鏐頌後賚異他歲幣享王庭

聞永定河堤有泛溢處詩以誌懷

永定古桑乾，蕩漾延數縣。雖獲一麥收，難免三伏漫。  
制堤以束之，其初頗循岸。無何淤漸高，泛溢乃頻見。  
下口凡屢更，揚沸豈長算。今夏雨略多，盈壑致旁灌。  
或云聽其然，功倍於事半。試看無隄初，何無衝決患。  
近是究難從，哀哉彼饑洊。

榛蝮

啾啾榛蝮抱烟鳴，亘野黃雲入望平。  
雅似長安銅雀噪。

一般農候報西成

蛙生水族蝮生陸振羽秋叢解促寒蝮氏去鼃因錯注

至今名象混秋官

按蝮蝮乃絡緯蟋蟀之類周禮蝮氏去鼃鼃原不指一物而言注謂蝮今

御所食蛙夫蛙乃蝦蟇不可食之理不精考而錯注以訛傳訛蓋不少矣

月  
七月十五日

畢景羣山暝林端滿月飛呈寒無纖翳委照有餘輝拂  
我文木牀寧我薄羅帷靜對無不佳况此深翠微奚問



中元節河燈滿液池

小獵

諸部皆攜獵騎行為聽指使各將誠便教小試龍沙坦  
嘉彼殷勤奉上情

麋鹿雖無饒雉兔平川淺草吉

麟飛

所乘馬名  
順吉麟

肅冒不

藉爰爰中嘉兆今秋第一圍

黍田牧野間平岡愛看雲容漸作黃分付獵人避蹂躪  
便因失次審何妨

魚貫雁行循律度控弦按隊識尊親忽臨中次傳收獵  
已避長途廿里塵

土默忒

部名雖異族類同犬牙相入分提封執役鞠膾皆虔恭  
百年休息帝皇風致茲豈易凜予衷

急雨

急雨正當止頓後午暄驅盡峭寒生箔雲捲淨雷聲斷  
夕照一川紫翠明

魚石屏歌有序

向見酉陽雜俎載衡陽湘鄉縣有石魚山山石色  
黑理若生雌黃開發一重輒有魚形鱗鬣首尾若  
畫長數寸燒之作魚腥又重慶江心有雙魚刻石  
上每一魚三十六鱗見則歲豐云云夫石上刻魚  
世或恒見至開石自具魚形則非人力所能為疑  
為烏有誕論而已今過土默忒部落路南有所謂  
撒哈河灘者土人種田掘地得石剖之有魚形復

剖之則復見大寸許小數分計銜尾比目若游泳  
然乃知古人所載必有其徵誕在此實即在此製  
以為屏不異王振鵬魚藻圖也

造物有無宗元疑石中魚形誰所為雕琢不到繪難揮  
又匪其中置鯤鰭擘開紋理紛鏤奇髻甲刻畫噉喙姿  
永免麗留及粘微漫慮漑釜膾銀絲琴高仙駕或其遺  
不然善眩如條枝殖瓜種樹幻術施冠冕秋化石不移  
元王沉璧洛水涯化玉未聞仍孕其湘鄉奇蹤向謂虛

叶  
事必有偶今始知詭談詫蹟序若斯折中理氣繫予  
思是地昔必潦水滋水退魚存僵淤泥歲久土變石理  
宜試看易剖片片披宛然藻潛還浪吹寓形得所壽可  
期磨而不磷涅不緇製屏堪陳筍席垂兆維豐年念在  
茲

前題再詠

久竹青寧化難窮萬物情却看文石裏不異碧波清寫  
影矜鱗活知春出浪輕誰能緝餌釣底慮釜鬻烹幻體

何妨脫真形永寄貞謂言在藻類可以認三生

霧獵

磧山作霧亦太奇白綿青嶂紛高低依微迴薄幻晴晦  
窈鬱散漫迷東西蒙古慣見不介意依然塞甸陳獵騎  
林中即鹿有虞人吾亦因之射生試風來霧散嵐嶺清  
偏伍不亂魚貫行據鞍大笑有如是區區何數劉雄鳴  
即事從覘奉上誠

聞京師秋成有象即事誌慰

農家有常談豐年收成早今歲獲新糧乃在六月杪青  
黃價未增預識苗秀好啟駕及停蹕綠雲觀載道避暑  
居山莊兩月恣幽討惟是闕內田來往縈懷抱京兆報  
佳音西成逮萬寶廵方有常度祈年切久禱慰慶志愈  
欽際泰貴善保

準噶爾輝特部台吉阿睦爾撒納歸誠信至詩以  
識事

惠逮條枝宴賚陪

駐避暑山莊賜宴都爾伯特台吉烏策凌等封以王公等爵命返遊牧

孫又報挈羣來敢云德化俾苗格信是

天恩致宇恢重賞崇封吾豈靳推心置腹彼何猜山莊

計日應重到

將以冬月復臨  
熱河晉見施恩

深意當年萬載培

入科爾沁境

塞牧雖稱遠姻盟向最親

嗣徽彤管著綿澤礪山申設候嚴喧沓清塵奉狩巡敬

誠堪愛處未忍視如賓



即事

宵衣報到軍書來遠人歸服萬帳偕安之榮之滿彼懷  
更籌游牧俾宇恢次第指揮疇咨安中樞草諭詎待坐  
平原獵騎已久延草淺兔肥試馭娑須臾馳呈諭草看  
據鞍筆削寧辭瑣因思陸賈有名言馬上治之却又可

堪達漢

似鹿魁而壯如驢逸且頗馳山艱却緩履如迅如飛

黑生

龍江沮洳地科爾沁或生致之

項似垂膺鞅角堪為指機

決韞之屬世名指機以其

角為釋名翻爾雅麋獸是耶非

雲

沙磧生雲異塞山氤氲漸重依霏間白日淡影忽變  
谷風無力增迷漫海雲山雲有依止磧雲來去難形似  
如陣如樓非所云旋生旋息無終始

夜雨

入夕雲容重飛空雨勢長幕聲增淅瀝塞意想蒼茫牧  
馬嘶偏壯營譙夜未央潤清沙磧塊漲拍野溪航萬帳

頻縈念重衾暗覺涼明當停蹕日漸石却無妨

科爾沁固倫和敬公主額駙達爾漢親王色布騰

巴爾珠爾侍宴因成是什

世篤姻盟擬晉秦宮中教養喜成人

色布騰巴爾珠爾九歲時即命隨諸

皇子讀書

詩書大義能明要嫺訥叢祥遂降嬪此日真堪呼

半子當年欲笑議和親同來侍宴承歡處為憶前旌轉

鼻辛

固倫和敬公主乃賢皇后所生故云

孝

涼

秋雨從來報寒信  
龍沙寒信益分明  
不嫌野水添行潦  
且喜西風送爽晴  
衣盡裝綿七月杪  
馬方免喝四蹄輕  
山溪一路逢迎者  
煖酒溫湯無限情

短歌行

授食授騎飯粗馬醜  
背負肩挑日隨馬走  
謀人自謀翻手覆手  
不為利迴不為義咎  
十步百步孰先孰後  
大海不盈惟其善受

賜蒙古諸王公宴

瑞日卿雲朗磧沙高張黃幄宴賓嘉紫螺滿酌蒲萄酒  
翠椀均頒乳酪茶却笑南朝費金帛僅能中國覲呼邪  
綿延

祖業希千億中外君臣自一家

蔣溥進所作塞外雜咏依韻和之

羶廬

耽逸懷居理則那拂廬取便穩裝駝放彌卷密施功易  
水驛山程得景多近渚恰宜臨野蓼依峰偏愛冒烟蘿

方圓毳幕施俱可總是人間風月窩

駝裝

鈴聲替戾度行馳致遠擔勞有足多訝可知風還聽水  
最耽柳陌與沙坡剛欣卸重成羣卧又迫臨明逐隊過  
飼秣恩誠思致報崎嶇路亦慎防蹉

馬絆

伯樂偏虞馬易馳維連以絆出奇思除將麋鹿難為繫  
任是驂騑亦設羈卓立試嘶清夜月恣眠常憶白莎陂

繫之亦欲飲之節此事惟應善牧知

風竿

雨朝風夕自飄搖誰翦襄雲落絳霄有意恰知馬足倦  
無言應解客心招低翩高颭皆成畫圓碧方紅各取標  
最是幕中鼾睡遍一竿月露漾清宵

雨溝

雨脚飛來碧嶂頭周防已作未然愁落空任灑人形帳  
就下都歸之字溝瀟瀟應知看立涸涓涓且擬聽新流

奚童畚鍤勤疏鑿底慮焚絲鎮相

入聲繆

設卡

沿岡一帶勢連雲露重莎平淨翳氛鈴索宵明依制設  
官郵今昨計程分隍中只慮聲驚獸磧裏魚存意習軍  
陳利誰何更無藉頒禽也足當酬勲

地竈

朝晡惟是供炊用增減非闕設計深撥草乍欣逢舊穴  
烹魚奚藉溉新甃聃觚未易尋常踞墨突休言不待黔



移頓莫教輕掩棄即看昔製乃資今

安市

車載肩挑逐逐來營東遠列任囂飭米鹽日計應教聚  
蚩眩風澆未許開縱便罷譏何有惠豈常負販不儲材  
蠅頭笑彼旋糜盡滿橐盈囊若箇回

征衣

衣裁短後合時趨打疊巾箱備遠途豈是從戎歎離別  
也須著意稱身軀鷄梁慢詭輕濡翼韋褶偏宜淡染蕪

頗有鄒枚尚寬博果然實必與名俱

銅畧

巧製伊誰意最初不淆方位指南如宵明長短無差報  
十二時辰有定書測景每教臨日下尋題便以適幾餘  
今人雅合分陰惜陶侃名言實起予

頌鹿

罷園休息羽林羣營外頌禽率未申獨享不盈饌腊歲  
去均霑偏厚膳虞人堆來已看彌平壤持去從教饋比

隣自割懷歸且無罪空還應慮細君嗔

和詩

每因得句命康詩韻府類函儘覽披畢竟老成還獨步  
可憐後進亦攀追古今風雅誠誰是宵旰憂勤只自知  
不是賞花釣魚處呈箋難與辨妍媸

蒙古土風雜詠十二首

有序

甲戌東巡由熱河出中關即入喀爾沁境經敖漢  
柰曼土默忒科爾沁諸部匝月廼至吉林所見塞

外土風多有可紀隨事命題各疏小序得七言律  
詩十二首亦周爰諏度之義也

乳筭

以皮為之平底豐下而稍銳其上捋乳盛之於取  
攜為便

形似罍餅製以皮渾侖不慮漏卮遺牛羊幸過春艱後  
塞地春寒青草未出牲畜  
乏食瘦惟春候為最艱  
婦子羣欣夏捫時何必雲漿

需玉斧也憐龍種紕金羈

牛馬羊乳皆資飲食而  
惟馬乳為佳羈其駒方可捋酒

其北也 本來原是其中物彼此胡然判轉移

### 荒田

農作非蒙古本業今承平日久所至多依山為田  
既播種則四出游牧射獵秋穫乃歸耘耨之術皆  
所不講俗云靠天田

本是射生游牧地即今漸亦重農田耨耘未識各勤力  
豐歉惟云總賴天出逐草泉長夏裏歸臨銍艾九秋前  
耕而鹵莽報鹵莽塞穡觀餘始信然

鄂博

蒙古不建祠廟山川神永著靈應者壘石象山家  
懸帛以致禱報賽則植木為表謂之鄂博過者無  
敢犯

路口山頭壘石磷心常依處地常神雨查達復晴查達  
凡祈雨祈晴皆在此蒙古謂之查達土偶人啞木偶人引馬折旋嗔莫犯  
從禽屢獲福還申春秋報賽雖荒略依約猶存土鼓豳  
革囊

以革為之用代筐筥罌盎食用鉅細無所不納行  
汲或以貯水涉川則挾之肘間亂流以濟或謂之  
皮餽飽蓋俗呼也

紉革為囊號庫奴

出蒙古語

精粗器用此中俱豈須錦緣

去聲

還絲綰無過茶鐺及飯盂詩句清新記耶律辯言詼謔  
幸侏儒經繙四十二章過乍可因之悟幻軀

### 柴車

取材於山不加刻斲輪轅略具以牛駕之行則鴉

軋有聲如小舟欸乃

斲木推輪雖太質服牛引重利偏多似機鴉軋繞鳴室  
疑櫓伊吾旋渡河自是驅馳輸駿馬未教負載讓明駝  
沿岡銜尾徐徐進可號山中鼓吹過

骨占

炙羊肩骨視其兆以覘吉凶猶古龜卜

爛頭爛胃蹴蔬羊取骨為占以火揚額祝便因看墨圻  
心虔率可定灾祥古方略異太人卜紛議非闕待詔即



不用何妨識其事至平易裏至奇藏

馬竿

生駒未就羈勒放逸不可致以長竿繫繩縻致之  
蒙古最熟其技

八尺長竿繫以繩提攜最制馬犇騰轡銜詭去無端逸  
駒駢牽來有獨能詎祇空羣誇伯樂恰如把釣遇嚴陵  
龍媒莫怨生羈絡不爾安從駿驥稱

兒版

兒生在襁褓中令卧版上韋束其兩臂倚檀廬壁  
間啼則搖之徙居則懸之馳裝之後

毳幕生兒亦可憐背眠木版革提肩倒絰縱免身狼籍  
卓立因成足鵠拳檀屬便為衣去聲裳具乳酥即是洗盆

錢移居那慮風霜冒襁褓呱呱馳上懸

灰簡

木削兩簡編韋聯之稍剗其中塗油而布以灰作  
字畢則拭去而更布之有古漆簡之風

約束從來祇語言  
右行文字肇興元  
既成旋拭新書便  
剗木塗油古質存  
漬竹揮非蒼頡字  
編韋絕豈仲尼門  
分明汗簡遺風在  
儒士徒觀不解論

### 竹筆

蒙古產毫穎而未得縛筆之法  
削竹成尖漬墨揮殊塗漆簡却同歸  
儘饒毛穎誰封管  
恰似蒙恬未合園  
荒略粗分今與昨  
魯魚孰辨是耶非  
穹廬筆策赤書就

國語筆帖式即蒙古語筆策赤  
謂能書文字者驛傳每用之  
郵遞

還從馬上飛

口琴

製如鐵鉗貫鐵絲其中銜齒牙間以指撥絲成聲  
宛轉頓挫有箏琶韻

絃皮手撥管蘆吹口上彈琴乃鐵為宛合宮商憑兩葉  
亦堪攫醪祗單絲高山流水分明在鳳尾龍唇非所知  
綽爾濟歌天魔舞毳廬馬捫醉闌氏

轉經

蒙古奉佛惟謹木輪中貫鐵樞可轉動集梵經於  
輪間大者支木架以手推之小者持而搖之旋轉  
如風謂一轉功德與持誦一過等

印成十二部真文轉法輪稱佛所欣孰半字還孰滿字  
即熏聞已即成聞隨風旋轉揚黃教

蒙古謂喇嘛為黃教見必膜拜度

世娑婆遍塞垠如此翻經誠甚易釋迦何用雪山勤

賜盛京將軍阿蘭泰

出寄干城入侍宸

阿蘭泰在御前侍衛裏行

據鞍矍鑠尚精神東都

留守分明是應領耆英會裏人

阿蘭泰年六十餘而鬚鬢皆白故戲及之

賜吉林將軍傅森

數處開牙盡有名大東坐鎮翼陪京將軍底事無勲勩  
累洽重熙值太平

碧柳圖

山名蒙古語謂礪石為碧柳在克爾素邊門外癸  
亥東巡過此曾有作今歲至吉林應進伊屯邊門  
取路少北而東故遙見之

舊識吉林路遙瞻碧柳圖依然峰矗彼曾憶句吟吾何  
日山為礪流年隙過駒拈髭長若許罨畫了無殊

八月朔日作

日日復行行暮停還曉征恰臨秋仲月也歷巨千程奉  
懿承歡切思

先修祀誠龍沙戶庭度雞羽牘章呈詎是能柔遠惟云  
此勵精每因攬塞穡亦與喜西成較獵同人樂馳驅驗  
衆情吉林佳氣近馬首向東迎

下河州縣復有被水處亟命撫恤兼示董事者  
去歲漲徐淮哀鴻被重災金隄雖順軌日日繫吾懷  
麥收既報豐夏種亦稱既如何臨西成將食奪之匱  
下河誠水鄉疏導宜周詳急須引歸墟豈徒固隄防  
分命及專差相視謀淪排浚疏誠得法此灾復何來  
聞奏日徬徨守臣何為情截漕留帑金救此罄罄岷  
即事

一馬奪疆一馬蹏左牽右控齊伏之處以從容力有餘



叶  
安慮驚曼與介倪羈絙鞍勒旋可施一馳萬里惟風  
追牧兒能事蓋若斯指不勝屈名紀誰王良孟賁徒稱  
其幸哉說項人人知

柳條邊

西接長城東屬海柳條結邊畫內外不關阨塞守藩籬  
更匪春築勞民憊取之不盡山本多植援因以限人過  
盛京吉林各分界蒙古執役嚴誰何譬之文囿七十里  
圍塲豈止逾倍蓰周防節制存古風結繩示禁斯足矣

我來策馬循邊東高可踰越疏可通麋鹿來往外時獲  
其設還與不設同意存制具細何有前人之法後人守  
金湯鞏固萬年清詎繫區區此樹柳

入伊屯邊門

部落行將遍吉林望不遙迎人山色近礙路漲痕消村  
墅經楓葉邊牆進柳條初來原故土所遇匪新招瞻就  
心何切勤勞意豈驕省方逢大吉寶穡報豐饒

紅葉

磧沙邇日惟黃草峰石今朝有錦林借問丹青是誰染  
動人爾許識秋心

台尼堪

外蘭昔日正王師

國語謂漢人為尼堪我祖昔征尼堪外蘭肇興王業也

太三逆

遺羣亦戍茲

康熙年間平三藩以其遺類戍此守台因名曰台尼堪

萬里流遷怨

誰致百年戶口慶今滋即看多稼連岡熟那覺嚴寒傍  
塞竒試語尼堪歸故土轉應哀籲歎仳離

新月

八月四日

閒雲天宇淨眉影見媼娥又報中秋近不期一月過  
廬依舊好山樹不妨多試問朝歌令刪修今若何

村行

語言不異舊音聲新到頗懷故土情白叟黃童皆忭喜  
山村水郭動逢迎

播穀藝麻羣力作彎弓習射殿中魚尋常記得淳風美  
即景還教取次覘

糠燈土舍爨生塵草履布袍粗蔽身十二羽林皆識否

汝先原亦若斯人

移人漓俗是皇州觸目花街復酒樓快看吉林村落景  
古風不易返從頭

賜吉林將軍及官員兵丁宴

黃幔青山皜日晴沛豐歡宴浹羣情恩頒軍士皆鳧藻  
席預嘉賓適鹿鳴

時蒙古王公扈駕者亦令入宴

却喜多人能舊舞

國朝

喜起舞乃舊俗宴樂每用之俗所稱嘛克新者也

翻嫵小部鎮新聲本來此地

無租賦底用當筵籲減征

御製詩二集卷五十一